

重刊武功縣志卷之一

地理志第一

夫武功古有獫狁之國也有獫狁氏有女曰姜原爲帝嚳元妃生棄教民稼穡有功堯封于獫號曰后稷后稷卒子不窋嗣不窋末年夏后氏政衰去稷不務乃奔于戎狄之間周興爲岐豐之域平王東遷賜豐鎬于秦獫遂爲秦邑至始皇列天下爲郡縣以獫爲滎漢改武功縣隸右扶風去古獫城二十里王莽曰新光東漢復徙古獫城魏置爲武功郡領美陽縣晉改屬始平郡後魏復

卷之一

爲武功郡周改雍州武帝建德三年復置武功郡治郿城已而復爲縣隋改隸京兆郡唐武德三年改置稷州以武功好時蓋屋郿鳳泉隸之尋又析始平置扶風縣四年以岐州圍川隸之七年又以隸岐州貞觀元年隸雍州天授二年又置稷州領武功文明元年析以奉乾陵乾寧二年以奉天置乾州領好時武功蓋屋醴泉而屬京兆府後唐同光中隸鳳翔長興元年復立京兆而以武功隸焉後晉置武功郡後周復改爲縣宋隸永興軍路京兆府政和八年同醴泉移隸醴州金改武亭縣

文明在天
授前

敘數千年
沿革簡淨
詳明筆筆
有法極爲
疏古

張良弼即
張思道時
陝西州郡
皆李思齊
張思道所
據

元復為武功隸乾州明興因之而通屬西安府廣四十
五里袤五十里東興平東南鄠南盩屋西南郿西扶風
西北麟遊北乾州東北醴泉城圍三里二百三十步半
附雍原之麓元末張良弼李思齊增築以據守者循原
又列十有二城洪武九年長興侯弟都督忠奉詔屯戍
于此以控制關內復增築之諸城皆至今存舊志云雍
州之域井鬼之次有平原控其東鳳岡翼其西長川帶
其北終南太白揖其南蓋古形勝之區強武之國也治
凡十五里里名見建置志社學下

卷之二

有釐氏國

說文炎帝後姜姓所封

不窳

括地志不窳故城在慶州郿化縣南

三里窳

列天下為郡縣

郿武功俱屬內史

以釐為榮

後漢地理志郿

亭註曰秦是

漢改武功縣

元和志武功秦孝公時置柳子厚云秦作四十一縣

郿美陽武

隸右扶風

按前漢地理志右扶風有漆釐武功三縣

新光

國志永平八

徙古釐城

寰宇記東漢省釐縣自魏置

武功郡

按魏武功縣屬扶風郡後魏扶風郡領縣五并武功屬焉太和十一年分扶風置武功郡

寰宇記後魏移美

周改雍州

無攷周書武帝天和元年

復置武功郡

按隋書周置武功郡建德三年郡廢

復為縣

寰宇記周

別立武功縣

圍川

見唐地理志翻

隸岐州

唐書云以

于中亭川

本作國川誤

郿隸岐州

置稷州唐書天授二年置稷州大足元年州廢

金改武亭金志以顯宗諱更武功為

武亭長興侯名炳文

舊志有山原七川六太乙山屬蓋屋太白武功兩山與
衰谷水屬郿五丈原屬岐三時原屬扶風故俱不復載
載其今有者

東原在縣東其南與雍原相直或曰通西原皆謂雍原
云

雍原即縣西原城所附者故周原也鳳岡者原北行岡
也

卷之一

武亭川縣川也其南十二里古川口蓋漆水川也

通鑑武亭川註川在漆渭交合處

詩小雅吉日漆沮之從此漆在涇之東即禹貢之漆也與古公自土沮漆之漆在豳地者別漁仲謂由富平入渭蓋指禹貢之漆耳括地志漆水源

漆水縣東門外水今謬為武水者也自豳岐之間來縣
北受浴水南受滓水入渭鄭漁仲序地理略謂天下如
指諸掌而信漆由富平入渭之說蓋括地志未審豳岐
涇渭脈絡所在富平在涇東漆在涇西安有岐梁之水
越涇而東再至富平始入渭也漁仲誤且如此況其餘
乎詩曰自土沮漆漢書曰釐在漆縣今部與釐同封里有
漆村是也

出普潤東
南岐漆山
漆溪
說雖未確
筆意自佳
讀者學其
文可也

漳水源出
岐山韋谷

按縣漆水源出舊普潤縣西青青山下經麟遊合岐
杜諸水下好時至黃家堡入縣界 漁仲名樵莆田
人宋迪功郎學者稱夾漆先生箸通
志 前漢地理志漆沮水在縣西

浴水乾州西夾道水也亦從函西梁山來意此或即沮

水關西人讀浴若于于沮固易譌爾漁仲亦以東自富

平入渭殊誤

按乾州西夾道水名漠谷音莫欲譌云沐浴漠谷水
出永壽麻亭嶺經乾州西南三十里行夾谷中至董
晁村入
縣界

漳水即圍川水自扶風東門外受鳳泉水至縣南從漆

水入渭

卷之二

建子溝在縣南十七里近慶善宮

唐太宗
懸弧地

美陽故城在縣西原八里後漸徙鳳泉東則今扶風境

內也

古釐城在縣南八里漆村東古有釐氏之國也今縣西

南三十里亦有釐城者前漢徙置之爾

史記正義曰故雍縣南七里故釐城一名武
功縣又曰古釐城在雍武功西南二十二里

高泉宮在古美陽城秦宣太后宮也

宣太后秦
昭王母

按唐書高祖武德四年幸樓州如武功慶善宮

景逐一作日逐端一作棍元黃一作共黃儲峙一作禾穎呂才清平人

他本踏作培亡作巴角作解俱譌慶一作兕鳴驚當作鴻驚

冬狩及再幸慶善宮二首似宜與前貞觀六年詩一體書

慶善宮在川口東南今沒於渭唐高祖故宅武德六年改名慶善宮太宗所生宅也貞觀六年幸之宴從臣賞賜閭里同漢沛宛帝歡甚賦詩曰壽邱惟舊跡豐邑乃前基粵子承累聖懸弧亦在茲弱齡逢運改提劍鬱匡時指麾八荒定懷柔萬國夷梯山咸入款駕海亦來思單于陪武帳景逐衛文螭端展朝四岳無為任百司霜節明秋景輕冰結水湄元黃徧原隰儲峙積京坻共樂還譙燕歡此大風詩起居郎呂才被之管絃為功成慶善樂名九功之舞十一年冬獵于武功賦冬狩詩曰烈烈

卷之二

寒風起慘慘飛雲浮霜濃凝廣隰冰厚結清流金鞍移上苑玉勒騁平疇旌旗四望合置網一面求楚路爭麋磴秦亡角鹿愁獸忙投密樹鳴鶩起沙洲騎斂原塵靜戈迴嶺日收心悲洛汭逸意在渭濱遊禽荒非所樂撫轡更因再幸慶善宮上更賦詩曰昔代馬依朔吹驚禽愁招憂因再幸慶善宮上更賦詩曰昔代馬依朔吹驚禽愁舊感深衷積善欣餘慶暢武悅成功垂衣天下治端拱車書同白水巡前跡丹陵幸舊宮列筵歡故老高宴聚新豐駐蹕撫田峻迴與訪牧童瑞氣縈丹闕祥煙散碧空孤嶼含霜白遙山帶日紅於焉歡擊筑聊以詠南風帝又有過武功舊宅詩二篇許敬宗上官儀應制奉和焉今悉箸于篇可以覩見當時之盛云帝詩其一新豐鳴笳園荒一徑斷臺古半階斜前池消舊水昔樹發今花一朝辭此地四海遂成家其二金輿巡白水玉輦駐新豐紐落藤披架花殘菊破叢庭鋪荒草蔓流竭半池空紉佩蘭房徑舒圭葉翦桐昔地一藩內今宅九圍中

彬然勃然興焉書院前為堂祠祭子厚而後建講堂學

舍故禮部尚書吳文定公寬有碑碑曰關中有大儒曰

寬字原博長洲人

盛以道學鳴于時君子以其德尊與孟子比夫自堯舜

道學碑無學字

至于孔子率五百歲而道一傳孔子沒而道無所屬此

孟字子之自敘而其自任之意亦可見也至昌黎韓氏以

輒之死不得其傳則直歸之孟子然至其時已千歲矣

所謂以其數則過矣者而秦漢以下儒者亦多而日不

得其所傳則孟子豈易比哉自唐至于宋又五百歲始得

濂谿周子河南程子先生實並時而出而君子獨以先

生比之孟子雖程子亦推稱之則其人品之高豈非振

古豪傑之士哉故當是時學者爭師宗之人至于今過

其地仰其人肅然起敬不能自已武功為西安屬縣城

南有綠野亭先生之遺跡也蓋先生少時學尚末醇及

至洛中見程子論易自以為弗及乃遂西還以與學者

講究後既出仕于朝他日治獄外郡而還即移疾屏居

南山下以事著書蓋史之所記大略如此綠野之跡豈

緣野書院非緣野亭故址也

其西還與屏居之時乎陝西提刑按察司副使楊君應

寧由近臣出領學政公勤善教士子經指授者輒取科

第君曰此非所以教學者也嘗行縣顧瞻山水明麗可

愛所謂綠野亭者歲久既毀而遺址猶存先賢風旨宛

然如見始謀即其地構屋以祠先生別為屋俾士子講

習其中庶幾仰止景行之意諸生聞之相與感激言于

巡按御史李君叔淵叔淵雅重風教乃下其事于君君

以縣合宋學通嘗復古廢祠亦知急先務者復以事委

之學通方經度財用而邦人士咸樂相助數月而功畢

名之曰綠野書院擇士子充于其中而以縣學訓導趙

文傑為之師俾日講性理之學凡縣學諸生則三日一

至聽講其規約大率與白鹿雎陽類未幾若西安鳳翔

諸生聞風就學者踵至君時坐堂上躬督勸之颯颯乎

道學之流行也君既喜其志之成閒以書請記夫養士

于學校取士于科第此固朝廷今日之法然學校之所

講習者皆經傳之精微欲用其人特以科第取之耳為

上者昧其意以聖賢之言止用以資為利祿之計而不

知道與法之不相背也今幸賢憲臣有見于此續其故

續其故翼

碑作革其故習

此段更切要可為關學指南

翼特為此舉以作興之學政之大無論于此其用心可謂至矣使今之領學政者皆如君之用心風教其不變也乎雖然聖賢之言學者于此無弗當講者而橫渠先生尤吾今日舉比之師也其書則正蒙西銘具在因其言求其心反之于躬見之于事而又謹其節文循其以禮為教之規拔于流俗為世醇儒此固賢憲臣所望于士子者也于是取科第出為世用以行其所學賢憲臣之意亦豈為士子禁哉書院建于宏治九年六月工畢于是年十二月明年十月癸未記今去改建才二十三年矣其廢壞已十四五況久遠乎綠野亭故在漢義勇武安王廟後稍北原岸下有古洞成化末猶傳有石刻亭記居民惡其害己也乃投其石于井中宋侯欲去狹隘且厭與細民爭校故移之於此此故葆真庵宋侯易民田恢闢爾何

卷之一

若仍置諸岸下為實錄近理也

縣學訓導趙文傑詩城南步百路西村四五常

開小洞門綠野有名亭已沒荒碑少字石猶存經霜柏老乾坤影遶帶河流今古痕仰止橫渠尋未得日中立馬到黃昏正德壬申翰林院修撰高陵呂柟于綠野書院謁橫渠先生祠堂詩二月入武功載謁橫渠祠春桃雜芳澗好鳥鳴天枝綠野終南翠含情實在茲印求會夙夜人亡道未涯徹皋下程氏執禮西仲尼衷時脫支蔓訂頑那有私瞻依真氣象無復夢中疑茲邦有君子跡殊路不歧豪邁存餘烈高懷有我知鵬飛要扶搖鯤化自天池斯文應不斬白日今見之

岸高也

韋應物宅應物長安人漁陽兵亂後流落失職始更折節讀書屏居于武功然莫知何里其經武功舊宅詩云

天寶十四載安祿山反于漁陽

茲邦君子謂對山也

茲邑昔所遊嘉會常在目歷載俄二九始往今來復感
感居人少茫茫野田綠風雨經舊墟毀垣迷往躅門臨
川流駛樹有羈雌宿多累恆悲往長
年覺時速欲去中復留徘徊結心曲

姜原墓舊志云在上南門外南去三百六十步又西四
十步有三坎墓在坎上與東原梅家莊直

隋煬帝墓在縣西原武德五年八月辛亥唐高祖葬帝
于此

按煬帝本紀將軍陳稜葬帝于吳公臺下唐平江南
之後改葬雷塘 唐高祖本紀武德五年八月辛亥
葬隋煬帝 唐地理志武功西原殤帝
所葬 殤帝無考煬殤字相似易譌

蘇武墓在縣北

卷之一

許公名環

蘇許公墓在縣西南博村其神道碑在新寨西道南

石墨鐫華碑隸書剝蝕過半書法猶有漢魏遺意金
石畧云盧藏用書而金石錄云藏用撰書文苑英華
藏用撰序
張說撰銘

游師雄墓在縣西北八里碑為耕者沒之地華表存焉

按歷代石刻師雄墓志邵繼
書石墨鐫華云志張舜民撰

東漢地理志曰棗在漆縣其民有會日中以相與夜中
市如不為則有災咎故志曰風俗剛勁不事華侈務學
力農有古人之風漢志亦曰好稼穡務本業有先王遺
風然風俗與時推移繫諸習尚自予所聞見今已數變

自剛而柔
自奢而儉
隨叙隨斷
波趣橫生

結語精筆
亦有功

矣其可以定論哉成化時人重使氣不肖順理豪桀者
至于把持治吏鄉人皆相推畏高之或至武斷于鄉今
即有冤者不敢正目下吏矣宏治時習侈善饗無豐儉
之節日日擊鼓聚會靡有厭飫少年得分銀尺布則弗
計蔬饌置酒彈絃不避長老時節遊行男女率冶容祇
服佔佔自見或又好爽快為賢多言習禮送死奢靡擬
諸王侯壻奠婦翁至于傾產益承平之久法制明白貪
官污吏毋所肆意百姓富庶靡有他慮要之天下皆然
不獨此也今或不能供賦役葺田廬矣然人事日趨諸

卷之二

簡約斯亦反古之漸也

祇與祇同俗作妖佔
店平聲佔佔輕薄也

建置志第二

縣署在城西北北抵城西抵后稷廟下原麓東抵文廟

洪武初知縣祀重建倉二俱在署內原麓下草場一在

城隍廟西圍一百八步唐有柳子厚縣丞廳壁記殷頌曰邦畿千里周

制千里之內曰甸服穀梁謂之寰內諸侯為王內臣其制甚重今京兆府理京師部二十有三縣幅員之廣其猶古也縣吏之長曰令曰丞丞之位正八品下蓋丞述六職以輔其令也秦漢有丞相今尚書有左右丞御史中丞至于九卿之列亦皆有丞下以達天下之縣政有大小其旨同也武功為甸內大縣按其圖古后稷封有

今縣南二里許地名南里城
他本七作士誤

郃之地秦作四十一縣郃美陽武功各異至是合焉蓋嘗為稷州已而復縣其土疆沃美高厚有邱陵墳衍之大其植物豐暢茂遂有秬秠藿菽之宜其人善樹藝其俗有禮讓宜乎其大雅之遺烈焉貞元之十五年改邑于南里既成新城凡官署舊記壁壞文逸而未克繼之者後三年而潁川陳南仲居是官邑人宜之號為簡靖因其族子存持地圖以來謁余為記夫以武功疆理之大人徒之多而陳生以簡靖輔其理斯固難矣漢高帝嘗詔天下比以戰得爵七大夫公乘以上令丞與抗禮故為吏益難今天子崇武念功與漢初相類分禁旅以守縣道武功為多陳生為丞于是而又職盜賊其為理無敗事吾庸可以度哉為之記云
宋有游靖重修縣廳碑來幸是邑侯喜于事功臨政不苟夙夜憂勤以身任責整案牒決訟獄事無巨細靡不究心明年改元政和治行稍著士樂教養農勤田畝強悍者屏息良善者安處老有養疾有醫官無調發民無積逋闔境歡戴政益閒暇一日侯謂同僚曰有官守者常樂因循

卷之二

十一

鑿字上下疑有缺字堂字下似不宜空

而憚改作事漏弗填忽傾弗支期以代去自為得計其或好遊觀務將迎起臺榭陂池之役倚勢作威因緣為奸至于公宇之敝往往引嫌而不加意是誠何心哉及其屋壞垣頽倉皇失措又負偃植疲民蠹財不可勝計如是則公府奚賴子待罪于此既喜民之易治又喜前人之用心願瞻庭宇華屋在前金碧輝映乃開封高士徹所建手詔亭也堂皇在後規摹簡約乃蘭谿呂義山所新正寢也淮陽錢秉創鑿堂大梁李宗作清心堂河南趙茂曾增修錢庫及居養院陽翟孟通廣關庖舍內外完葺煥然一新惟合廳湫隘殆不堪處驗其故記實天聖中種公世衡改造迄今八十餘年侯復歎曰不廢不興不敝不新舍此而不事不惟有愧于前人之用心亦何異夫樂因循而憚改作者邪矧是廳也須詔出令承流宣化之所臨制劇邑絡繹兩川喉襟數路正當四達之衝亦必有以稱矣于是庀材鳩傭徹去棟楹梁桷之折撓與夫葢瓦級馱之缺者躬自經營悅使有術人不以為勞增廣制度壯偉闕耀人不以為侈廳既成侯會賓寮落之是日也黃童白叟闐溢庭下瞻仰

通篇雅飭
故傳

徙他本作
涉作復俱
誤

祀即嚴祀
俊即曹俊

他本請謫
者依原碑
改正

懼當作瞿

咨嗟始知公府之嚴令尹之尊也如是嗚呼當是職者
必有以處是廳也處是廳者必有以任是責也侯之祖
坦踐歷中外為時聞人嘗受知于仁廟有醇儒循吏之
稱所賜飛白宸翰至今寶之侯念德不怠果能任責以
孚民望真可謂善世其家者也則斯文之作豈特記新
廳之歲月揚厲侯之盛美又得發明名邑之因以詔後
人故係之以詞其詞曰太白崢嶸作鎮坤靈武功山連
互古長青堯封后稷周賜秦嬴作邑于此因山命名漢
自渭南徙古郃城宇文造周易治中亭中亭之川原隰
砥平唐為稷州作輔陪京復隸天府邑是以寧鳳岡西
拱武水南傾人尚禮遜俗務農耕神堯誕聖瓊騰聲
姚合發詠柳子詳評我侯臨蒞訟簡刑清民無調發兵
無戰征匪植其私匪僥其榮克紹祖德允協民情恢廣
制度新于其廳廳非侈己乃尊朝廷吏振其職民樂其
成載瞻載仰政治惟馨
敢告來者無忘經營

儒學在縣署東北抵城東西皆抵民廬而獨堂西七丈

卷之一

許抵北街洪武初知縣祀建正統時知縣俊重修宋有

縣令趙茂曾碑士志於道者常患乎不得遂其學得遂

時能信之則君子以為榮遇焉此武功縣學之興而銘

序之所以作也建中靖國元年夏四月知京兆府孫公

覽奏以壽春縣令趙茂曾知武功事秋八月公去崇寧

元年春三月茂曾始來是秋貢士府十四縣懸格所取

武功居多時歎息其遺者尤眾既冬邑人相謂曰戢盜

賊撫良善政令之所在也孝弟嫻睦以攷其行絃誦講

習以和其心性命道德以進其學實士人之所望焉乃

謀葺孔子廟聚生徒而淺陋不可居十二月有詔建州

學縣學養士之法同僚相語以州縣吏雖尊賤有次其

申明孝弟孰後先邪茂曾懼然以興曰疇敢不祇若王

之休命明年春訪隙地稟于府願易廟西樓店基為學

舍知府事虞公策從之徹木于淫祠經費于計臺轉運

副使許公天啟可所請即日給官錢五十四萬資其用

度于是築新基南向為麗澤堂左右前廡班布八齋名

文簡勁可式

衡按古當作五

筆墨輕清可愛

昌卽孫昌

參政守也副使巡也

之以道德皆新作也其東宣聖殿小學職掌之位庖廚祭器隸者所直舊舍足焉補缺益卑與新允稱總五十楹基長二十有五尋廣十有二尋餘六尺經始于二月乙丑落成于三月癸巳嗚呼學校爲事必興于聖人極盛之時三代可監也蓋備所養以期所用今吾君待天下之士厚矣天下之士宜思所以副之茂會何人獲宣聖化且得效犬馬之力于其間爲遇爲榮罔可言計謹拜稽首敘事勒銘箸之金石以告學者銘曰夏后庠序商邦瞽宗周王頌宮申之孝弟漸摩仁義名殊迹同明明我主超三邁古人材是隆民有彝則好是懿德合由以容家黨術國塾庠序學慨然聿崇遞升次舉匪私是與允期于公咨爾有衆學以致用勿尸厥中入孝出弟居仁由義敏則有功以副據碑則今之縣署乃學不知盛時允能庶幾三代之風

何時改易之豈金元兵燹之餘草昧之際縣廢而學存治事者姑且居之乃其後竟因而不返與正德八年知

卷之一

縣劉紹重建明倫堂十三年御史張文明行縣以廟學頽敝命知縣昌修理更以渭源渡頭抽分益之昌憂去明年御史張欽行縣見其益敝乃與守巡參政畢昭副使楊鳳謀通借咸陽行笈抽稅屬同知趙錦監抽會都御史鄭陽檄至嘉啟厥工提學副使何景明知府劉祥又通責諸知縣瑋茲方集工舉事未已云倉一在堂西南

稅課局正德二年罷

郃城驛在城東南洪武初知縣祀建驛倉卽堂左右廂

驛草場在驛東南城隅

長寧驛在縣東四十五里俗曰東扶風鎮軍站也成化

中移置清水石嘴

按對山集驛改置清水而其卒徒皆徙自扶風

陰陽學在縣門外今廢為縣獄

醫學在大十字東舊有地三間今存其半俱知縣祀所

建

僧會司在報本寺

道會司在鴻禧觀

卷之二

古

申明亭在縣門外與旌善亭同處舊志言游鳳有古旌

善亭又有古倉在社學之西

諸行署布政司在宣化街按察司在縣署西東面府署

在縣南北面長寧分司即古長寧驛也敝則與興平縣

合力修之

禮部侍郎河東薛文清公瑄過武功書按察分司廳壁持節西來過武功扶桑日上曉光

紅渭河水遠波聲小太白山高樹影重遺址已無慈德

寺居人猶說有縻封東行無限前朝事盡在紅塵綠野

中都御史郴陽曹璉次韻后稷封縻萬世功登臨偏感

夕陽紅風生武水波千尺雲鎖香山樹幾重唐宅基湮
青草合許公碑古碧苔封行人欲問當年事都在漁樵
晚笛中侍郎南陽張周幹次韻南有名山號武功渭河
水浸曉霞紅煙迷隋塚高千尺雲鎖卻封厚幾重比屋
詩書多巨室滿城桃李總花封太宗唐主曾生此猶說

遺蹤在寺中都御史清安方漢次韻誰向茲原啟聖功
周人王業伴殘紅猶瞻王氣千年迴誰道名山萬里重
慶善有宮留佛住姜嫄無廟任雲封連城舊跡知多少
都入荆榛瓦礫中知縣宋學通次韻公暇循阡過武功
滿川春雨落花紅泉通玉井三千丈雲鎖連城十二重
鄜伯遺亭書綠野姜嫄荒塚倚郃封大唐天子讀書處
遺跡猶存
上閣中

諸急遞鋪總鋪在府衙西迤東三鋪抵興平日韓店可
曾長寧迤東北一鋪抵乾州日董晁

里置一學
設一師聚
童子而授
以小學年
十五選入
綠野書院

諸社學舊惟儒學西有故稅課局址爾宏治癸丑知縣
學通以提學條約則里置一學又遴選其子弟可教者
里設一師已乃時督率之學各有所在今得詳之有興

卷之一

做朱子白
鹿洞規教
之人才其
日盛乎

復者庶幾因而求焉
在城里即儒學西者坊廂里在布政分司之西俱得里在王宅村游

鳳里在游鳳集奉安里在奉安村韓店里在可曾鋪西
馬午里在故長寧驛西興城里在焦上村顯義里在燒
香臺渭源里在東渭源村會同里在鄭村永豐里在張
捕村永安里在南姚安村郃封里在高村姚安里在鏡
村照

演武教場在東郭門北外

養濟院在郃城驛西

漏澤園在東郭門南外

市集在縣方內者三而縣不論最大者長寧集月無閒

日游鳳集普濟集以日相遞而已

淡語亦佳
筆妙故也

祠祀志第三

文辭鄙冗者不載此著述要言

文廟在縣署東宋知武功趙茂曾建元世祖十五年至

元戊寅縣令王君營復之尋擢行臺掾去長安杜淵繼

為令力成其役宋有大觀聖作之碑天下皆有刻茲不

載元有李頤碑洪武初知縣祀更建正統中知縣俊加

葺治焉有訓導曲新碑二碑文辭鄙冗俱不載

社稷壇在北郭門外

風雲雷雨壇在南郭門外

厲壇在小北門外

卷之二

城隍廟在東門內成化時知縣璫重修正德初知縣鍾

仁嗣修焉

姜原廟長安志在城外西南原麓間傍有后稷廟今俱

亡矣今后稷廟在城內西上故寶意寺址也宏治丙辰

知縣學通改建祠後又作姜原祠修撰呂柟登謁后稷祠詩夫子天下烈播

穀廣炎皇苴茅當茲土種德邈無疆有口咸食力罔極齊穹蒼二月武功曲鸚鳴柳半黃星言拜古祠陟山雲中翔煙川睇春縣覽極獨慘愴風塵翳寰宇羸黎裂予腸緬惟躬稼澤誰可使均穰

唐高祖祠在鳳岡之巔前則太白行祠也太白蓋封內

故山漢永平八年建祠于此洪武丙辰都督耿忠以縣

史記封禪書周興而邑郤立后稷之祠至今血食天

此記有對
山點竄處
亦著述家
所宜知也

錄異記金
星之精墜
于終南圭
峯西因號
太白山其
精化為白
石狀如美
玉唐志郡
縣有太白
山諺云武
功太白去
天三百

有高祖故宅故祠高祖于太白廟堂之後而別自為太

白祠記 洪武九年春予欽承上命領兵來戍陝右操練

禮泉與平乾州武功西抵鳳翔岐山扶風南至郿縣盩

屋等處悉致屯所農作既興扈于亢陽種未得下遠近

咸以為憂詢諸故老皆曰西南太白乃本邑之名山上

有湫池歲旱則奉迎是水每禱輒應粵以四月中旬擇

日齋戒躬致祝辭遣僧覺用等齋香帛祝文詣山頂投

辭請水既至率官僚吏卒暨郡民數百千人備鼓吹郊

迎展祭于武功太白之神祠是夕大雨霽霽三日乃止

遠近罔不周沃及六月又旱禱請如前復獲霽足秋入

月禾將垂實旱甚復請禱之大雨隨至變枯槁為欣榮

易呻吟為歌嘯感神之賜甚渥也越明年丁巳夏四月

六月俱旱復奉迎請禱如前歲之儀而亦兩蒙靈貺雨

皆尺餘關輔之中軍民鼓舞二歲之間凡五禱于神其

感應前後一如影響百穀咸成年歲豐登靈貺駢臻曷

先報答先是鳳岡上舊有神之行祠歲代緜遠廟貌傾

卷之一

損門廡廢闕乃命工匠士卒補完而增修之圖繪兩壁
耕塑神像煥然一新又令人于武功故城得神之碑志
于遺廟之側具載太白古今顯靈之跡并歷代加封徽
號蓋自唐元宗天寶中敕建廟貌封神應公宋仁宗嘉
祐初封濟民侯七年改封明應公神宗熙寧八年進封
神應王其所以衛國濟民靈應昭晰祀典秩然歷歷可
見嗚呼人敬神而獲福神依人而廟享人以誠感神神
以靈佑國此幽明自然之理也今以神前後靈感顯應
之跡直書刻石置于廟壁庶
唐有李白登太白峯杜甫
使後之觀者亦知所崇敬云

喜達行在所詩因并附之 李白詩西上太白峯夕陽窮

關願乘冷風去直出浮雲間舉手可近月前行若無山

一別武功去何時復見還杜甫詩西憶岐陽信無人遂

卻迴眼穿當落日心死箸寒灰霧樹行相引蓮峯望或

開所親驚老瘦辛苦賊中來其二愁思胡笳夕淒涼漢
苑春生還今日事閒道暫時人司隸章初覩南陽氣已
新喜心翻倒極嗚咽淚沾巾其三死去憑誰報歸來始

自憐猶瞻太白雪喜遇武功天影靜千官
裏心蘇七校前今朝漢社稷新數中興年

唐太宗祠在北郭內鴻禧觀三清殿後宋元祐戊辰直

龍圖閣游師雄建有趙茂曾碑粵有大寶聖人守焉上

乎堯舜仁義于禹湯文王有周大勳集武而幽厲廢之

侯國蜂聚七雄蟻爭以昭祖龍而二世亡之漢乘秦虐

俯首以取權操與備因漢弱而攘裂晉則虛誕不支而

宋齊梁陳潰墊于口口正統墜絕有唐階暴隋以興僖

昭凌衰五代竊據天開地泰乃歸于有宋之真人焉顧

若相因迭為興廢者得明主賢臣可取法有暴君汚吏

足為戒皆所以資我聖昔為永永無窮太平之治具也

然歷觀前史惟其有甚勞亂之患然後生大英傑之君

故必能措海宇于昇平拯黎庶于塗炭則漢之高祖唐

之太宗其倫乎按唐記太宗文皇帝以隋開皇十八年

十二月戊午生于武功之別館有二龍戲門外三日而

去是京兆府武功縣之南有唐慶善宮今為慈德寺乃

卷之一

致他本作
治誤

其所也北日報本寺神堯之舊宅焉先是縣圖雖載厥
事而祀秩無文龍閣游公慨然興歎率里人即報本北
隅經始廟貌法大壯以建殿宇想天日而形塑繪左右
壁間悉圖貞觀朝臣英姿凜然彷彿見當時之盛于是
肅嚴致敬有所實元祐三年戊辰歲也後十四載洛陽
趙茂曾被命長邑一日至祠下而龍閣公弟師韓語之
故且求以記遂諾之曰僕元祐末典獄平涼見君之伯
氏為使者愛民以道率吏以誠觀其激風俗敦教化使
法令美意下浹于田父野老之肌骨雖古昔召父杜母
之流莫可過者若夫執律馭師則折衝尊俎笑談帷幄
豫計勝否驗若符契致朝廷威靈遠震于口口重譯之
巢穴雖前世班超李牧之輩無以尚矣我思其致今也
則亡常企慕之恨不得述其梗概茲幸君之及此也昔
梁州人侯柏年以廉泉之名誇其閭里而史筆書之不
遺矧公肇是祠宇俾後世識者以人物稱其風氣則追
遠厚俗之意豈淺也哉故論前世治亂之迹見文皇帝
之英傑因記其祠之者名字云游公名師不知何時作
雄字景叔大宋崇寧元年中元日謹記

此文亦有對山點竄處

觀祠前洪武初都督耿忠重修而仍圖凌煙功臣二十四人于左右壁其上各書唐史本傳乃更刻太穆皇后傳及帝世系於舊刻帝幸慶善宮詩碑陰跋諸後曰武洪丙辰春忠欽承上命領兵萬餘來關中悉建屯戍因駐武功而控制之武功實有唐太宗誕育之地山川孕靈篤生賢聖信不誣也暇日尋訪故基得古碑于城南榛莽中上刻太宗御製詩二首乃舊立于慈德寺而更樹于安養堂者碑陰載順聖皇后傳歲代縣邈字畫磨滅殆不可辨于是感文皇之聖孝慨盛迹之沈湮遂命工重為勒復置于城北鴻禧觀蓋太宗遺像在焉庶使後人益知所敬而傳之永久云時洪武丁巳正月十有九日也康長公謁祠詩隋日生靈極羣雄問獨夫八荒歸聖歷數語見皇圖李密終潛洛鄒陽有事吳辦香陳闕殿想像賦懸弧

卷之一

名宦祠在縣署內儀門東外所祀古今三十三人

鄉賢祠在文廟戟門西外所祀古今三十八人

報本寺高祖別宅也在北門外慈德寺見慶善宮寶意

寺見后稷祠橫渠先生祠見綠野書院太白行祠見高

祖祠鴻禧觀見太宗祠外有東嶽廟在東郭外漆水東

關王廟在南郭西外坎下火星廟在小北門外東北野

田中無名氏慈德寺詩昔年高祖宅今日梵王宮塔鐘

口休心處烹茶話祖風韋應物經寶意上方詩翠嶺香

鐘記往年康長公寶意寺詩傷秋人事絕習靜入招提

掃葉坐松下看書忽日西青雲雙翼斂白髮近年齊欲

別浮生者悠悠向爾栖前人同高令登太白祠覽李思
齊故城元命厭天紀八表靄同昏羣雄各自起天眷安
所存李生效時哲攬轡來此軍崇墉俯深壑飛鳥不能
伸自謂險宜恃寧知君欲仁古帝發淮浦裨將入咸秦
一鼓事乃定初接身已殉冤魂夜夜哭血風千里聞國
不務宏遠險阻何足云前人書鴻禧觀戴法師壁結髮
尚茲道半百靡所指因喜宮殿清常陪隱逸士繫言談
真詮清心詣元理雲冥雙鶴歸露下繁蛩已愧爾煙霞
人安得從圭匕康阜觀東嶽廟賽神鳴鑼擊鼓天黃昏
老姆稽首如蟻蟠板呼喊盆震地起鬼怪嶢崎相鑿吞
女兒百十擁隊出拽朱照翠如天孫神祇若來雲若垂
節拍未竟新者奔君不見豐年黍稌未彌隴夜半科催
門方啄

卷之一